

大乘理趣六波羅蜜多經卷第二 韶二

唐罽賓國三藏般若奉 詔譯

陀羅尼護持國界品第二

爾時世尊欲說甚深理趣決定義菩薩摩訶薩六波羅蜜多時即於東方有大光明金色晃耀照王舍大城迦蘭多迦竹林精舍乃至三千大千世界皆作金色而此世界所有諸天護世四王釋提桓因乃至他化自在天王大梵天王及日月星辰末尼燈燭所有光明皆不能及除佛世尊及彼灌頂受職菩薩二種光已餘一切光皆悉映蔽無復顯現又此三千大千世界日月威光所不照處如是日月有大威德有大光明不能照彼幽暝衆生由佛光明令彼有情各得相見此諸世界所有宮殿屋舍牆壁山林草木種種諸物亦

不能障如是光明所有諸山香山寶山黑山雪山及妙高山鐵圍山大鐵圍山目真隣陀山摩訶目真隣陀山如是等山遇斯光照影透內外無所障礙下至阿鼻地獄上至非想非非想天悉亦蒙光靡不照耀如是三千大千世界所有諸光合成一光而無二相其中衆生遇斯光者罪垢煩惱皆得消除身心安樂各作是念我等蒙光得是安樂爾時會中忽然而有六十俱胝七寶蓮華猶如車輪從地涌出香氣芬馥其色美妙種種雜色令人樂見其一一華復有無量無邊百千萬葉其衆會上虛空之中自然而有微妙寶蓋珠網絞絡徧覆大衆如迦遮隣底迦柔軟妙服觸之悅意其蓮華中所出香氣周徧三千大千世界諸世界中所有天香龍神等香及餘草

木種種諸香此香及處無復香氣又此三千大千世界種種有情蒙香所熏喜不自勝皆悉發心煩惱罪垢一切銷滅爾時阿難陀見是光明希有之相奇特殊妙得未曾有即從座起整理衣服偏袒右肩長跪合掌而白佛

第二
言世尊以何因緣現此光明奇特之相此之

光明及寶華香昔未聞見從何所來而現斯瑞惟願世尊分別解說令此衆會咸悉聞知爾時世尊告阿難陀汝今當知從此東方有世界名曰不眞彼有菩薩摩訶薩名無盡藏與六十俱胝大菩薩衆恭敬圍遶發意欲來故現斯瑞爾時世尊說是語時而此大地六種震動彼無盡藏菩薩放大光明現大神變威德自在雨妙香華無量諸天以種種音樂迎彼菩薩而爲供養彼無盡藏菩薩與六十

俱胝菩薩摩訶薩衆而來至此迦蘭多迦竹林精舍住虛空中高七多羅樹皆悉恭敬合掌向佛異口同音聲徧三千大千世界讚歎如來無量功德以微妙音而說頌曰

大哉大悟無染著 無礙妙智清淨眼

斷除三毒無明習 我禮無等大悲尊遠離怖畏諸疑網 十力辯才無所畏異道邪徒皆默慄 自在猶如師子王如來慧日大光明 普照十方無罣礙無明闇障惑已盡 如日舒光照世間無恃無依苦厄者 生老病死久漂流真實悲愍大慈尊 能拔輪圓苦海難無明顛倒生死源 種種妄想爲波浪二障已除智自在 遊行不染如蓮華諸法無我本空寂 猶如谷響性皆虛

無造無受如幻化 救世大悲恒演說
佛了諸法如浮雲 亦如瀑水速流注
世法不堅愚所集 聖智能觀永斷除
佛眼猶若青蓮華 超過日月百千倍
三世人天共稱讚 我禮調御難思議
佛具如是無邊德 廣度群品若恒沙
無漏功德妙莊嚴 是故我今頭面禮
爾時無盡藏菩薩與六十俱胝菩薩摩訶薩
衆以是微妙伽陀讚如來已從空而下頭面
禮足右遶七匝承佛聖旨各就蓮華跏趺而
坐爾時阿難陀以佛神力從座而起偏露右
肩長跪合掌而白佛言此無盡藏菩薩從何
所來彼世界中佛號何等去此幾何惟願世
尊分別解說爾時世尊告阿難陀汝自問之
彼無盡藏菩薩當爲汝說時阿難陀即問無

盡藏菩薩摩訶薩言族姓子從何所來彼世
界中佛號何等去此遠近惟願分別時無盡
藏菩薩言汝今猶有去來之相而未除耶阿
難陀言我已久知此義無盡藏菩薩言汝若
已知云何更問乃生二種分別之心若言來
者是緣起義若言去者是緣滅義何處無此
生滅相耶然我國土無有去來生滅之相若
無去來即是聖智所行之處若有去來即是
世間生滅之相若有音聲文字亦是世間生
滅起盡之相然我國土本無文字亦無言說
起盡之相若無起盡即是自覺聖智所知之
第2
四
境離文字相是則解脫爾時阿難陀白無盡
藏菩薩言聖者我不敢問辯才大士如是深
妙之義唯問聖者所居世界去此遠近及佛
名字所未聞事譬如關塞收稅之人但有往

來不揀財寶多少有無皆令問之今我聲聞亦復如是從他聞說正法之聲勝解修行自求涅槃是名聲聞今見聖者法應問之我若聞已樂欲修習得安樂故爲欲增廣大乘法故又一切聲聞獨覺悉從大乘出故所以我問聖者從何所來去此遠近佛號何等時無盡藏菩薩答阿難陀言如來應正等覺現在不遠何不問之佛當爲汝記別此事於此衆會悉得無疑時阿難陀從座而起整理衣服偏露右肩長跪合掌而白佛言惟願大聖世尊爲我說之惟願善逝爲我說之此會無量無邊有情因聞此法皆欲被精進甲修菩薩行爾時薄伽梵告阿難陀曰汝今諦聽善思念之吾當爲汝分別解說彼佛世界遠近之事及佛名號功德莊嚴彼佛如來應正等覺

卷二

五

無礙無著一切智智汝等大衆應當信受勿生驚疑時阿難陀白佛言大聖世尊我於今者願樂欲聞爾時薄伽梵告阿難陀去此東方過十殑伽沙微塵等世界有世界名曰不眞彼世界中有薄伽梵名曰普賢如來應正等覺明行圓滿善逝世間解無上士調御丈夫天人師佛世尊今現在彼說大乘法無盡藏菩薩從彼世界而來至此彼佛世尊唯以諸大菩薩而爲其衆無有聲聞辟支佛名何況有實而彼菩薩久積淨業布施調伏善御進成就善巧靜慮解脫及三摩地三摩鉢提遊戲神通大智光明自在無礙文句巧妙慈悲喜捨猶若虛空悉能摧伏異道邪論降魔勞怨勇猛不退成就佛智微妙甚深如來十

力四無所畏辯才不斷智慧無礙深入緣起能離有無行於中道離我我所有情壽命養育士夫補特伽羅意生儒童作者受者知者見者斷見常見遠離一切妄執諸見得陀羅尼素咀繩王以如來印之所印也普觀衆生堅固不捨等如一子無有二心演甘露法猶獅子吼上中下類一切有情聞斯法已無不獲益速疾安住涅槃正路三明六通具八解脫紹三寶種無有斷絕灌頂受職當作法王能了有情度未度者詣菩提樹坐於道場處師子座自在無畏降伏魔怨能現佛身相好具足能轉無上清淨法輪純以大菩薩僧而爲眷屬圍遶說法利益有情爾時會中一切衆生聞佛說彼諸大菩薩功德法已歡喜踊躍不能自勝即以無量天溫鉢羅華鉢特摩

華拘牟頭華奔茶利迦華曼茶羅華摩訶曼茶羅華及餘種種雜華而散佛上及無盡藏菩薩等六十俱胝菩薩大眾之上而爲供養歡喜自慶而作是言我等今日獲大善利得見如是大菩薩衆若餘國土一切衆生聞我供養得親近者亦獲善利聞彼菩薩功德法者皆發無上正等覺心時此會中三十六億衆生皆發阿耨多羅三藐三菩提心爾時薄伽梵復告具壽阿難陀言彼不羣世界無諸苦難及三惡趣亦不聞名亦無五衆犯禁之名亦無煩惱勞慮等聲亦無女人嫉妒憤惱懈怠瞋恚亂意愚癡亦無障蓋并諸習氣亦無種種上中下等雜類之名亦無三乘差別之號佛法僧寶平等一相亦無魔及魔民異道邪見亦無飢渴寒熱等事及我我所男女

等相互相攝受種種異名而彼世界廣博嚴淨以六十萬億俱胝佛刹爲一佛土亦無日月唯以菩薩願力光明而爲照曜地平如掌絕以帝青及吠琉璃末尼珠等種種雜寶間錯莊嚴又以衆寶蓮華而散其上其華鮮明柔軟第一如天妙觸迦遮隣底迦衣八重寶樹交映蓊鬱周帀圍遶以爲垣牆種種雜華而爲嚴飾亦無沙礫坑坎丘陵土石黑山荆棘毒刺唯有無量妙寶高山雖有天人無別異相不假雜食而用資身亦無便利穢污不受想行識生非前後邊際智慧生亦非現在見聞所生佛告阿難其念佛三摩地不可思議於諸法無所行而觀諸法如實相無說無示無相無名此即名爲念佛三昧爾時曼殊室利菩薩摩訶薩即從座起偏袒右肩右膝著地合掌恭敬而白佛言大聖世尊若有善男子善女人受持此六波羅蜜多經深妙理趣得幾所福佛告曼殊室利菩薩摩訶薩若有善男子善女人於九十億碗伽沙俱胝那庾多百千佛所供養恭敬尊重讚歎於意云

何此善男子善女人所得功德寧爲多不曼殊室利白佛言甚多世尊甚多善逝佛告曼殊室利菩薩摩訶薩我今爲汝分別演說若有善男子善女人能於此六波羅蜜多經甚深理趣大乘法寶乃至一頌一句受持讀誦

書寫解說如說修行而此功德勝前功德所

以者何此六波羅蜜多大乘理趣甚深法門

乃是一切諸佛之母一切如來從此生故爾

時曼殊室利菩薩摩訶薩白佛言大聖世尊

我今爲欲擁護國界及受持此經典者常爲

守護爲欲滌除一切障難說陀羅尼祕密文

第一根本身真言曰

南謨薩嚩尾泥一唵二囉_{平聲}引移切_九以濕囉

合_二囉_三

第二心真言曰

唵一穆_二

第三頭真言曰

唵一母_聲穆_二

第四頭髻真言曰

唵一菴引惰穆_二

第五甲胄真言曰

唵一燄引穆莎訶

第六器仗真言曰

唵一鑒喚高物合穆_一

大聖世尊此陀羅尼文句是三世諸佛法身肢節過去未來現在諸佛之所宣說若有善

男子善女人於閑靜處著新淨衣發大殷重無分別心誦百千遍必得聞持永無忘失若有善男子善女人持是經者當知此人即是

法師若有人輕毀違犯此法師者當知即是輕毀違犯過去未來現在諸佛爾時薄伽梵

讚曼殊室利菩薩摩訶薩言善哉善哉汝今說是諸佛真言作大利益擁護慈愍一切衆生除諸障難爾時普賢菩薩摩訶薩即從座

起偏袒右肩右膝著地合掌恭敬而白佛言
大聖世尊我亦爲欲擁護國界及受持此經
典者常作守護爲欲滌除障難說陀羅尼祕

密文句

南謨囉紇舍旦一南謨悉駁南二南謨阿利

也南三南謨娑嚩怒南四怛地切你也佗五唵

六止哩止哩尼七悉哩悉哩尼八哩哩哩哩
尼九哩哩哩哩十騎醯兮十一陀羅尼三麼十二

莎訶十

世尊此陀羅尼祕密文句乃是三世諸佛之

所宣說若有善男子善女人持是經者當知

此人即是法師若有人輕毀此法師者當知

即是違犯過去未來現在三世諸佛爾時大

聖觀自在菩薩摩訶薩即從座起偏袒右肩

右膝著地合掌恭敬而白佛言大聖世尊我

亦爲欲擁護彼善男子善女人持是經者常
作守護及所住國土一切諸難說陀羅尼祕
密文句

南謨娑滿多沒駁南一怛地切你也佗二唵三

哩弭嚩四哩弭嚩五誠嚩哩弭嚩六簡佗加丑

七哩弭嚩七尾止嚩八莎訶九

世尊此陀羅尼乃是三世諸佛之所宣說若
有人能持是經者當知此人即是法師若人
輕毀此法師者當知即是輕毀三世諸佛

爾時曼茶羅諸天菩薩皆悉集會其名曰

金剛薩埵卷二金剛王金剛染

金剛善哉金剛寶金剛威

金剛幢金剛愛金剛法

金剛利金剛因金剛語言

金剛羯磨金剛護金剛藥叉

金剛拳 金剛薩埵 金剛寶

金剛法 金剛羯磨 金剛喜戲

金剛鬘

金剛歌

金剛舞

南謨薄伽伐諱曳一合怛哩二合瑟拏合二合哩二

金剛香

金剛華

金剛燈

摩訶撥菴迷三吽索蘇切四

金剛鎖

金剛鈴

金剛索

金剛阿尾奢等異口同音共說法身種子陀

羅尼曰

唵一慕二欠三阿兩聲吽五怛闥六合紇哩

二合惡八

此等大士諸天菩薩恭敬合掌前白佛言大聖世尊我等若見有人受持此經乃至一頌

一句我等恭敬供養尊重是人如毗盧遮那如來等無有異

爾時六波羅蜜多菩薩具足威儀而於佛前

各各自說陀羅尼祕密文句

第一布施波羅蜜多菩薩說真言曰

南謨薄伽伐諱曳一合賀囉賀囉二猱施略

南謨薄伽伐諱曳一合賀囉賀囉二猱施略

上乃刀切迺以下盧遮切迺以三曷嚕撥囉合沒駛吽

發吒呼四

第三安忍波羅蜜多菩薩說真言曰

南謨薄伽伐諱曳一合蘇囉撥底切二迺以

祇三牒呢黑吽你入聲你入聲你吽灑四索

雜切四

第四精進波羅蜜多菩薩說真言曰

唵引南謨薄伽伐諱曳一合告思你耶二末

藍微毛賀耶三吽發吒半聲

第五靜慮波羅蜜多菩薩說真言曰

南謨薄伽伐諱曳二合四里四里二合枳里
枳里三弭里弭里四矩殺吒合矩殺吒五合

唵六慕引唵七慕哩合讐聲莎訶八

第六智慧波羅蜜多菩薩說真言曰

南謨薄伽伐諱曳一合揭諱揭諱二波羅揭

諦三波羅僧揭諦四冒地莎訶五

時六波羅蜜多菩薩天等皆白佛言大聖世

尊我等亦爲擁護持是經者說此陀羅尼祕

密文句若有善男子善女人受持此經乃至

一頌一句我等供養恭敬尊重讚歎如佛無

異

爾時毗沙門天王亦爲擁護國界及受持經

者說自心真言曰

怛地你也他一拘那他二阿鞞鞞祇捺祇三

釋二

十二

阿娜羝四拘那里五

爾時毗樓勒又天王亦爲擁護國界及受持經者說真言曰

怛地你也他一阿誠儻二誠儻三教哩四岸

鼙那鼙哩五施擎里六摩鄧耆七卜羯斯八

僧鼈矩黎九沒黎合灑黎十

爾時提頭賴吒天王亦爲擁護國界及受持

經者說真言曰

怛地你也他一醫黎二怒米梨三怒閉妳聲

四怒醫黎五閉黎六閉妳聲莎訶八

爾時毗樓博叉天王亦爲擁護國界及受持

經者說真言曰

怛地你也他一阿尼嚩尼二窟而去聲怒擎

去迷四怒矩黎五悉哩怒哩六弭哩七怒莎

訶八

矩嚕二那鞞怛喇吒三合

時四天王白佛言大聖世尊我等亦爲擁護國土及善男子受持經者說此陀羅尼祕密文句若有輕毀受持經者即爲輕毀三世諸

佛

爾時執金剛菩薩亦爲擁護受持經者說真

言曰
卷二
十三

南謨嚕怛曩_二合怛囉_二也耶一南謨失戰_二

平聲擎_二鞞日羅_二合播擎_上聲曳_四寧_上聲祇

耶_五合撥囉_二入縛_上聲履多_六拘嚕_二駛

耶_七訖栗_二舍多_八比_切頻密俱胝目佞性_九嚕

麼曷里沙擎昧孕羯囉耶_十的乞覩_二那_{十一}

難_上聲瑟鵝嚕_二合羯吒耶_十撥囉_二合捺_入聲勃多

合鞞日羅_二合賀薩多耶_十薩縛_平聲尾近那_{十四}

微那夜迦尾特問合娑那羯囉引耶_{十五}此句起請真言下同此句正說真言怛地_切也佗一吽鞞日羅_二

恒地_切你也佗一娜妳_{下同}妳_{諸切}娜妳_二頰妳頰
妳_三薩尾山微那夜迦喃四目佞性磨喃五

怛地_切你也佗一唵二必致必致三摩必致必

致四摩尾奢摩尾奢五摩入縛_上聲囉摩入縛_二合囉六莎訖_七

爾時間魔羅王亦欲擁護受持經者說真言

曰
恒地_切你也佗一惡哩二尾惡哩三尾質哩四

尾質哩尼五你呴你呴六醫醯_七慕多撥

底八莎訖_九

爾時訶哩底愛子母亦爲擁護受持經者說

真言曰

鑠訖底_二合悉檜磨南_六磨囉都_七莎訶_八

爾時摩利支天亦爲擁護受持經者說真言

曰

怛底黎_二合麼寧_一滿怛羅_二合撥娜寧磨挽

底切伊怛地_切伊也作一遏迦末斯_二末迦末

聲二

十四

斯三頰怛那_去南末斯_四撥吐迷洛又五喚

撥吐迷洛叉_六薩縛昧以瓢入_聲薩武撥薩

倪聲_上瓢入曷洛又九莎訶_十

爾時迦嚩拏王爲欲擁護國王大臣及受持

經者說迦嚩拏王理趣真言曰

乞史_二皷_一唵_二莎訶_三

爾時真實迦嚩羅王爲欲擁護國界及受持

經者說真言曰

南謨薩多埵_一合識嚩拏耶_二沒孽囉摩訶

沒孽囉_三漫惹_{平聲}漫惹_{平聲}薩縛聲_上娜岸_{平聲}

五摩羅耶尾沙入索_六喚涅蘇聲哩耶_七合

你袍_八慕聲贊去聲識麼哩補九鑠訖多合薩

那_十宰覩縛寧_{十一}薩恭喋多_{十二}尾搖_{十三}賀

哩多引羅_{十四}簡底_{十五}頂伊切嚩質囉_{十六}僧屹囉

合銘_{十七}捺里與捺囉_{十八}合你迦囉引_{十九}捨耶

十二薩麼曩_{二十}泥庾底_{二十一}商怯_{三十}乞

史_二合囉_{平聲}平聲_二沒哩合_二娜羅_二十窘多_{二十}

那囉_三聲囉_二十三藐怯_{二十}尾灑_{二十}乞史_二

合跋寧_三

時迦嚩羅王纔說是真言已一切惡龍毒氣

皆悉摧滅國土安寧

爾時大自在天王爲欲擁護受持經者說真

言曰

怛地_切伊也作一唵二怛吒耶_三莎訶四悉怛

吒耶_五莎訶六囉吒耶_七莎訶八勿吒耶_九

莎訶 + 捨咄嚕合你屹鞞合怛曩耶 + 莎訶
二十南謨迦吒三尾迦吒四羯呢平聲迦聲囉
五十播吒羅上聲耶耨多囉六十你瑟吒合簡你瑟
吒二十七簡你瑜惹難上聲羯八誠羅九你尾合
誠羅十二尾捨撥囉合尾捨二十阿尾捨二十
嚕捺囉十三勞捺嚕合那四十汙曩汙曩
五十諾賀諾賀二十一跋者跋者二十莽佗莽
佗二十二尾特問合娑也九十尾特問合娑也
十三瑜倪始嚕合囉三十摩醯始嚕二囉三十
南謨悉諦窣覩三十播摩醯三十訶頗夏慈
五十南謨始戰合擎耶三十莎訶三十撥囉
莎訶一四十汲屹囉合諦惹耶四十莎訶四十
合戰擎耶三十一莎訶三十汲屹囉合耶四十
成羅耶四十四短聲下同莎訶四十成羅匿仍職賀
縛合耶四十五莎訶四十水并孕耶四十六誠聲上聲耶四十七

莎訶四十一冰誠信灑去聲耶五十莎訶五十孽
囉耶五十一莎訶五十孽囉嚕播耶五十莎訶
五十法聲上聲囉耶五十二莎訶五十法囉嚕播耶
五十一莎訶五十祿怛多囉耶六十莎訶六十溫
特嚕二合耶六十莎訶六十溫特嚕合繫舍
耶六十莎訶六十諾賀那聲耶六十莎訶六十
七撥者那聲耶六十莎訶六十阿目法聲去聲耶
七十莎訶七十阿寧上聲穢多迦耶七十莎訶七十
三烏菩識摩耶四十七莎訶七十烏菩識摩嚕
涅囉合耶六十八莎訶七十八滿十六你尾
合瑟底九十也失者迦失質松阿寐捺囉合
穢底八十孽底末底八十播耶八十壞識聲
八十透噓八十茗擎囉八十穀乞史八十紇
嚕奈鹽八十摩呼九十塞建合那九屹哩合
嚕平聲九賀努九十鄒瑟佗二合九匿仍職切

賀囉_{二十四}_{二合}九 娜娑_五_十室魯_二怛囉_{二十六}_合九

羅邏_上聲咤_七_十室哩山_九_十諾賀彌_九_十莎

訶_百發吒_{百一}

爾時毗沙門天王及諸天等各說如是陀羅尼已俱白佛言大聖世尊我等若見如是法師受持讀誦乃至一頌一句常作擁護滌除一切災難苦厄及諸毒氣呵罵捶打種種疾患魍魎魍魎不吉祥事皆悉銷滅佛告諸大士及毗沙門天王汝等善能守護如是持經法師此經名字尚不可聞何況盡能受持讀誦恭敬供養尊重讚歎以種種塗香末香燒香華鬘衣服及妙寶蓋繒綵幢幡香油酥燈以如是等百千萬種供養法師應先發願聞此經已如說修行我今以此持經法師付囑汝等應當擁護乃至親屬亦當守護令無衰

患使得安樂

發菩提心品第三

爾時薄伽梵作師子吼顯明祕密總持門已時慈氏菩薩摩訶薩即從座起偏袒右肩右膝著地一心合掌而白佛言善哉善哉大聖世尊能以大悲讚說如是祕密甘露勝陀羅尼守護國界惟願世尊哀愍衆生宣說阿耨多羅三藐三菩提法令諸有情未發心者云何發心已發心者云何修行復何因緣於大乘心得不退轉爾時薄伽梵告慈氏菩薩摩訶薩言若有善男子善女人欲爲有情修大乘行欲度有情置大涅槃應當先發五種勝心云何爲五一者於諸有情普發平等大慈悲心二者於一切種智心不退轉三者於諸有情起親友想於險難中誓當救護四者常

於有情起負債想五者恒懷慙愧何時償畢能發如是五種心者速能證得阿耨多羅三藐三菩提復次慈氏菩薩摩訶薩云何於大乘中一心修行得不退轉如往昔時有一商人聰慧明達常行仁孝恒見父母宗親貧苦常懷憂惱逼切身心以何方便而能給濟作是思惟無過入海採如意寶而供給之得離貧苦以是因緣發勇猛心不惜軀命從家而出種種方便求覓資糧及諸善伴船及船師於其半路遇一異人從海而還乃問此人如是忽遽欲何所之商人具答如上因緣爲救貧窮今欲入海求如意寶以相資給彼異人言我昔離家亦復如是爲濟親族貧窮諸苦既發家已路經曠野度大砂磧絕無水草多有野象虎豹豺狼毒蛇師子或遇劫賊大山

大河飢渴寒熱驚懼怖畏種種危難與彼船師方至大海又遇大風大魚惡龍雷電雹雨鼓浪洄澗多有留難不可具說雖受如是種種諸苦尚不能獲如意寶珠但得資身粗自供足猶未能濟貧乏之親今勸仁者勿強艱苦徒自疲勞吾欲與仁別爲經理所以者何然彼大海有種種難黑風黑山藥叉羅刹摩竭蛟龍衆難非一但曾聞有如意珠名徃者千萬獲無一二以是因緣勸於仁者宜速迴還爾時商主聞是語已倍復增進發三勝心入海不退云何爲三一者父母兄弟宗親貧苦若斯如何空歸不相救濟二者我之親屬昔時富有惠我衣食憐愍於我今者貧窮命不全濟如何放捨而欲退還三者我在家時處理家務策役驅使大小僮僕種種呵責如

何貧苦不相賑恤令彼歡喜而欲却還以是
因緣念酬恩德發大勇猛決定前進要當入
海求如意寶得已還家濟於親屬恣其所用
永離艱窮菩薩摩訶薩亦復如是發菩提心
願第2
觀於十方六趣四生皆是我之宿世父母憐
愍我故造諸惡業墮於地獄餓鬼畜生受諸
苦惱以是因緣而自思惟以何方便濟斯苦
難作是念已唯有入於六波羅蜜多大法海
中求佛種智拯濟有情生死之苦如是思已
發大勇猛無退屈心精進勤求無有懈倦種
種方便求覓資糧菩提善伴法及法師行至
中路遇一魔王領諸眷屬或現天身或現人
身婆羅門身或作商主苾芻苾芻尼身或餘
種種異類之身而彼魔王問菩薩言汝今匆
忙欲詣何所菩薩答言我爲一切苦惱衆生

今欲入於六度大海求佛種智如意寶珠以
救一切貧乏衆生魔王復云我初發心亦復
如是爲度一切苦惱衆生出生死家度大流
轉曠野砂礪備受飢渴盜賊恐怖衆難非一
方至六度大法海中或遇乞頭或逢乞眼耳
鼻舌身手足肢節心肺腸胃肝膽脾腎國城
妻子奴婢僕使如是種種隨乞而施不生慳
惜勤求智寶經無量劫生死流轉在於苦海
雖受種種諸苦難事猶不能獲無上菩提而
但迴求阿羅漢果出離三界寂滅涅槃我今
勸汝勿強勞苦應自修持吾欲與汝共階此
果所以者何我念三塗常受飢苦心思吞咽
仰面向空誰來入口充我一飽種種苦難逼
切身心人命無常過於山水善知識者難遭
難遇若不信受後悔何追生死海中流轉不

定心如水月何不寶耶惡知識者易見易逢
恒樂勸人行菩薩道捨財捨命望趣菩提況
諸佛出興時乃一現求者千萬得無一二以
是勸仁不須勞苦應求解脫自取涅槃又三
無數劫受諸勤苦方能獲得佛果菩提此生
三生證阿羅漢卷二十一一種無學何用苦爲無智愚
人心希佛果備歷艱苦經無量劫尚未聞證
阿羅漢果何況能得無上菩提譬如有人獲
一小鳥更見有一迦嚕囉王大者飛翔小者復
執鳥便前捕捉迦嚕囉王大者飛翔小者復
失愚求佛果亦復如是棄此求餘二果俱失
既如是已願早迴心於此生中必證羅漢爾
時菩薩聞是語已轉增勇猛發三種心云何
爲三一者一切衆生從無始際生死已來皆
我所親或爲朋友現受苦惱未得免離如何

退還二者一切衆生從無始已來給我衣食
憐愍我深今受輪迴苦難非一云何未報乃
生退心三者一切衆生從無始際皆我眷屬
策役驅使轉相呵責未曾少分酬報彼恩以
是因緣不應退屈更增勇猛求證菩提若證
菩提一切智寶用濟生死苦難衆生是名菩
薩摩訶薩於大乘中一心修行得不退轉復
次慈氏當知即是菩薩摩訶薩修大乘行發
五種心此五心中一者於諸有情起大悲心
二者爲諸有情求一切智心無退轉此二心
者於大乘法精進修行三者一切有情皆我
親友四者一切有情於我有恩未有毫釐用
相酬報五者一切有情皆我眷屬我曾於彼
起不善業種種呵罵非理責罰深心慙愧何
時償畢此之三心令諸菩薩勇猛不退乃至

證得阿耨多羅三藐三菩提

大乘理趣六波羅蜜多經卷第二

音譜

菊	蘋	鳥	貢	切	鬱	翁
力	力	力	力	力	力	翁
夷	夷	夷	夷	夷	夷	夷
誠	誠	誠	誠	誠	誠	誠
五	五	五	五	五	五	五
歌	歌	歌	歌	歌	歌	歌
儻	儻	儻	儻	儻	儻	儻
女	女	女	女	女	女	女
耕	耕	耕	耕	耕	耕	耕
𠂇	𠂇	𠂇	𠂇	𠂇	𠂇	𠂇
汝	汝	汝	汝	汝	汝	汝
奴	奴	奴	奴	奴	奴	奴
買	買	買	買	買	買	買
鷄	鷄	鷄	鷄	鷄	鷄	鷄
當	當	當	當	當	當	當
掇	掇	掇	掇	掇	掇	掇
近	近	近	近	近	近	近
僅	僅	僅	僅	僅	僅	僅